

藍山縣圖志

于右任



藍山縣志

卷之五

五

藍山縣圖志卷六

事紀篇第三上 漢訖明

漢高后七年南粵王趙佗兵入寇遣隆慮侯周竈博陽侯陳滂將兵擊之會暑溼疫作不能度嶺

據漢書高后傳南粵王趙佗傳其時南平置縣已二十五年當嶺北隅是有兵事及孝文帝元年賜書佗乃罷兵

武帝元鼎五年南粵王相呂嘉反殺漢使者遣伏波將軍路博德出桂陽下湟水與戈船將軍等會師於番禺征平之

據漢書武帝紀湟水今縣南都龐嶺俗名南風坳其南分水下連州入南海者是也

光武帝建武十八年。交阯女子徵側徵貳反。遣伏波將軍馬援樓船將軍段志。發長沙桂陽零陵蒼梧兵萬餘人討之。

據後漢書西南夷傳。時南平隸桂陽郡已數百年。縣境有兵役。桓帝延熹八年。桂陽山賊胡蘭復反。合荊州兵朱蓋等攻沒郡縣。中郎將度尙等擊斬之。

先是冲帝永嘉初。桂陽山賊已爲害。延熹六年。桂陽賊李研等寇郡。七年。荊州刺史度尙募蠻兵進擊賊帥卜陽潘鴻等。破平之。洎是餘黨胡蘭等復叛。轉寇零陵。零陵太守陳球拒之。復遣度尙爲中郎將救球。遂破之。斬朱蓋。

靈帝光和三年。桂陽及蒼梧盜起。攻掠郡縣。

事見湖南陽秋。南平居桂陽蒼梧二郡間。是有匪亂。越中平三年。長沙賊區星俶亂。而周朝郭石賊眾起零陵桂陽。與星相應。孫堅爲長沙太守。越境討平之。並見吳志孫堅傳。

獻帝建安五年。荊州牧劉表攻並長沙太守張羨子懌。遂南收零陵桂陽二郡。

先是初平元年。蘇代領長沙太守。阻兵作亂。改荊州刺史爲荊州牧。而江南宗賊大盛。宗賊者。豪右相屯聚。因以名之也。荊州牧劉表誘斬其渠五十餘人。桂陽等八郡悉平。諸守令多解印綬去。及建安三年。長沙太守張羨率桂陽零陵三郡以叛。表圍攻之。連年不下。至是羨死。子懌繼。表攻並之。南收零桂。北據

漢川。於是南平隨桂陽郡以屬於表。

建安二十年。桂陽郡縣定爲吳地。

建安之十三年秋七月。丞相曹操征劉表。表卒。子琮舉八郡以降。劉備孫權合兵破之。操北歸。備因南征四郡。卽桂陽與武陵長沙零陵也。

桂陽太守趙範降。以趙雲領之。明年。備以軍師中郎將諸葛亮督桂陽三郡。十六年。亮還蜀。而守荊州者關羽。至是。權以備已得益州。遂圖還荊州。呂蒙督兵將襲奪之。長沙桂陽二郡望風歸服。惟零陵未動。呂蒙旋以計誘降零陵太守郝普。遂盡得三郡。引軍壁益陽。與關羽相持。備聞操入漢中。懼而與權和。乃以湘水爲界。零陵等郡屬備。長沙江夏桂陽以東屬權。南平與焉。

晉世祖武皇帝太康元年桂陽郡有漕役

是時鎮南大將軍杜預等已平吳沅湘以南至於交廣諸州郡牧守悉沿吳置蠲除苛政而以巴邱湖險乃開楊口通零陵桂陽之漕

明帝太寧元年冬十一月丙子白虹貫日桂陽太守華包以聞隋文皇開皇九年略定湘州廢桂陽郡

是時陳平楊素遣其將龐暉略地南至湘州陳刺史陳叔慎詐降誘暉斬之隋遣薛胄爲湘州刺史禽誅叔慎諸郡並降改桂陽郡爲郴州南平屬郴卽其時也及煬帝大業三年夏四月壬辰改州爲郡而郴州刺史仍復爲桂陽太守說並詳建置篇

藍山縣志 卷六
唐高祖武德四年檢校荊州刺史李靖略地隕嶺南

江陵蕭銑旣平得郡邑九十六以李靖檢校荊州刺史綏輯撫慰遂隕嶺以南南平爲當時戎旅所經也

玄宗天寶元年春正月甲午改郴州爲桂陽郡刺史爲太守南平改爲藍山

其後肅宗至德二載復桂陽州名置衡州防禦使領郴州乾元元年置韶連郴三州都團練守捉使治韶州後以隸領南節度使而縣改南平爲藍山遂相沿至今

德宗貞元十五年春正月壬戌藍山崩

王湘綺州志引會要云掘得古鐘四枚鍾範舊志列此於貞元

三年。

宋太祖乾德二年秋九月。潘美克南漢郴州。越眞宗景德二年。藍山由郴州歸桂陽監。

先是唐僖宗乾符六年。桂陽賊陳彥謙陷郴州。時黃巢亂後。羣盜如毛。彥謙遂爲郴州刺史。昭宗光化二年。馬殷遣將攻斬彥謙。殷遂有郴連二州。石晉天福八年。殷子希廣新立。湖南大亂。馬希萼召南唐兵攻希廣。而南漢劉晟乘隙取郴州。時藍山屬郴。兵火弗寧。至是乾德二年。郴州歸宋。縣以稍安。及眞宗景德間。藍山乃由郴復歸桂陽監。

當劉晟取郴州時。桂陽監地入於周行逢。宋太祖乾德元年。桂陽監

始入宋。美取郴州。蓋在桂陽入宋之次年也。

藍山縣圖志 卷六
仁宗慶曆三年桂陽監蠻徭出藍山縣華陰崗內寇越慶曆七年乃平。

攷宋史本紀及西南溪崗諸蠻列傳所載慶曆三年桂陽監蠻徭內寇詔發兵捕擊之蠻徭者居山谷間其山自衡州常寧縣屬於桂陽郴連賀韶四州環紆千餘里蠻居其中不事賦役謂之徭人初有吉州巫黃捉鬼與其兄弟數人皆習蠻法往來常寧出入溪崗誘蠻眾數百人盜販鹽殺官軍逃匿崗中旣招出而殺之又徙山下民他處至是其黨遂合五千人出桂陽藍山縣華陰崗害巡檢李延祚潭州都監張克明事聞擢楊畋提點刑獄督清理事久之不克遂詔湖南轉運使郭輔之等招撫之

始於湖南置安撫司。蠻所至殺掠居民。縱火劫財物。被害者甚眾。詔被害者並入山捕蠻。土兵蠲復有差。初發兵捕蠻。至或誤殺良民。仁宗命訪之。口給絹五匹。仍拊其家。時蠻勢方熾。又遣殿中侍御史王絲三司度支副使徐的經制。降敕書委知潭州劉沆招諭能自歸者。第錄以官。沆大發兵臨之。以敕書從事。降二千餘人。使散居所部。錄其首領鄧文忠黃文晟黃士元皆爲三班奉職。又以内殿承制拜贊崇班胡元嘗在石碣崗捕殺有勞。進贊莊宅副使。元禮賓副使。時四年冬也。是年詔免衡道州桂陽監民經徭賊劫略者賦役一年。誤爲征徭軍所殺者。賜帛人五匹。存撫其家。五年二月。餘黨唐和等復內寇。乃詔湖南安

撫轉運提點刑獄。便宜從事。又特賜官兵土丁錢有差。於是沆、檄、楊、旼等八路入討。覆蕩桃由平能家源等。皆其巢穴。捕斬首級甚眾。詔官兵有功者九百餘人。第遷一資。錄其應募討擊者。道州進士十四人。並官之。然唐和等猶未平。又詔如聞賊黨欲降。其罷出兵逃匿者。諭使歸復州縣拊存之。是冬蠻復入寇。與胡元及右侍禁郭正、趙鼎、殿侍王孝先戰於華陰崙隘口。元等死之。劉沆、楊旼皆坐黜。以劉夔代沆爲安撫使。夔言唐和等旣敗官兵。殺將吏。聚眾益自疑恐。寢爲邊患。願以詔書招安。就補溪洞首領。詔可。是時湖南騷動。兵不得息。六年夏。仁宗以官軍久戍南方。瘴癘爲虐。令太醫定方和藥。遣使給之。繼賜緡錢。未

幾夔言敗唐和於銀江源。轉運使周沆亦言指揮辛景賢招降賊黨五十六戶。二百五十九人。錄其首領。戒所部拊存之。先是命三司戶部判官崔嶧爲體量安撫。往議討除招安二策。旣而知桂陽監朱守信奏唐和嘯聚千餘眾。爲盜五六年。卒未能克者。朝廷不許窮討故也。今衡州監酒黃士元頗習溪崗事。願得敢戰士二千。引路土丁二百。優給金帛。使之逐捕。必得然後已。並敕开贊等合力以進。彼旣勢窮。必將款附。詔用其策。於是大發兵討之。其眾果懼。遁入郴州黃莽山。轉寇英韶州。依山自保。是冬。帝閱士卒暴露。復諭執政密戒主帥安恤。七年。唐和遣其子執要領詣宮。自言願貸糧米。居所保崗中。時楊畋復爲湖南

鈐轄。詔趨連韶州山下。與廣南東西轉運使。共告諭之。使以兵械上官。質其親屬。詔補唐和盤。知諒房承映。承泰。文運等五人。爲尙主。授銀青光祿大夫。檢校國子祭酒。兼監察御史。武騎尉。知諒等蓋唐和黨也。至冬。其眾悉降。

嘉祐四年。命轉運使裁定桂陽。郴。永。衡。道諸州。所輸丁身米及錢絹雜物。無業者弛之。有業者減半。後雖進丁。勿增取。

神宗熙寧六年。辰沅蠻區希範。蒙。趕寇衡湘。華陰水頭諸洞蠻應之。旋討平。

王湘綺州志載此事云。神宗熙寧六年。辰沅蠻區希範。蒙。趕寇衡湘。命工部郎中徐的招撫。相繼降。三司以郊祠召的還計事。

蠻復叛。乃除的爲荆湖南路安撫使。至桂陽。降者復眾。其欽景石碣華陰水頭諸洞不降的。皆討平之。斬其酋熊可清等千餘級。湖南通志以此爲慶曆四年事。注明據宋史本紀徐的傳。攷本紀仁宗慶曆四年。不載其事。惟蠻夷傳三。環州蠻下。有區希範。於是年率眾五百破環州及帶溪砦。下鎮甯州及普義砦。遂有眾一千五百人爲亂。然不言寇衡湘也。復攷徐的傳。載有招撫區希範事。湘綺州志卽本於此。然未明載熙寧六年也。此條年號互歧。姑據州志錄之。

高宗紹興二年。曹成犯嶺表。岳飛韓世忠先後以兵平之。

王湘綺州志云。曹成犯嶺表。權知潭州湯陰岳飛破之於蓬頭。

領成廣西人起羣盜授職知鄂州復叛犯潭州破安仁永興執知潭州向子諲既而釋之自道州犯永興詔飛權知潭州兼權荆湖東路安撫總管付金字牌黃旗招曹成成據道賀二州不受撫飛入賀州境得成謀者陽言糧盡當還茶陵陰逸謀歸卽潛兵夜遶嶺破其砦成據險拒飛兵潰走北藏領上梧關迎戰復敗成又自桂領置砦至北藏領連控隘道親以十餘萬眾守蓬頭領飛部八千人一鼓而登破其眾成奔連州飛遣部將張憲自賀連徐慶自邵道王貴自郴桂分道招降誅其酋撫其眾降者二萬俱會連州進兵追成成擁餘眾走郴邵時延安韓世忠爲福建江西荆湖宣撫副使既平閩寇徑至豫章連營數十

里羣賊不意其至。大驚。世忠因遣人招成。成降。得戰士八萬。遣詣行在。領表平。七月丙辰。詔蠲監及諸州上供米三千。暨本年秋租之半。

三年。桂陽監升軍。藍山屬之。

王湘綺州志。以此爲紹興十五年事。志云。地理志云。紹興三年升軍。今據諸帝本紀。在十四年以後二十六年以前。不知的何年也。宋史洪擬傳。擬宣和中知桂陽軍。自是史誤。張運傳。紹興五年。岳飛平楊么。歲餘。運居鄱陽。丁憂服除。知桂陽監。五月而境內治。與部使者奏升監爲軍。計其年月。與諸紀相符。升監爲軍。當在十五年也。又以部使者爲卽趙善俊。善俊於紹興中爲